

**ԹԵՍՏԻ ԿԱՌՈՒՅՎԱԾՔԸ ԵՎ ԱՌԱՋԱԴՐԱՆՔՆԵՐԻ  
ԳՆԱՀԱՏՄԱՆ ՉԱՓԱՆԻՇՆԵՐԸ**

Թեստը բաղկացած է 2 մասից: Առաջին մասում ստուգվում են ընթերցանության (տեքստի ընկալման) կարողություններ և կապակցված խոսքի հմտություններ, 2-րդ մասում՝ ուղղագրական, բառագիտական, քերականական գիտելիքներ: Թեստը պարունակում է 14 առաջադրանք, որոնցից 7-ը՝ 1-ին մասում, 7-ը՝ 2-րդ: Առաջադրանքներից 4-ը ենթաառաջադրանքներով են: Յուրաքանչյուր առաջադրանքի և ենթաառաջադրանքի ճիշտ պատասխանը գնահատվում է 1 միավորով:

Թեստի 1-ին մասը պարունակում է որևէ տեքստ՝ գեղարվեստական կամ գիտահանրամատչելի: Տեքստերի ծավալները կախված են դրանց տեսակից. գեղարվեստական բովանդակությամբ տեքստերը պարունակում են շուրջ 350 բառ, գիտահանրամատչելիները՝ ավելի պակաս՝ շուրջ 280 բառ:

1-ին մասի առաջադրանքներից 5-ը վերաբերում են տեքստի բովանդակությանը (դրանցից 2-ը 2-ական ենթաառաջադրանքներով են. ընդհանուր հաշվով՝ 7 հարց՝ տեքստի բովանդակության վերաբերյալ):

Հարցերից 2-ը ընտրովի պատասխանով են՝ պատասխանի 4-ական տարբերակներով, 5-ը՝ ընդարձակ, որոնց աշակերտը պետք է պատասխանի ինքնուրույն (1-ական նախադասությամբ):

1-ին մասի 6-րդ առաջադրանքը վերաբերում է տեքստում բայերի ճիշտ ժամանակաձևով գործածությանը:

1-ին մասի 7-րդ առաջադրանքը վերաբերում է նախադասության տեսակներին՝

- ըստ կազմության՝ պարզ, բարդ, համառոտ, ընդարձակ,
- ըստ երանգի՝ պատմողական, հարցական, հրամայական, բացականչական:

Անհրաժեշտ է տեքստից դուրս գրել 1 նախադասություն՝ ըստ պահանջի:

1-ին մասի առավելագույն միավորը 9 է:

2-րդ մասը պարունակում է տեքստից անկախ<sup>1</sup> 7 առաջադրանք, որոնցով ստուգվում են գիտելիքներ ստորև տրված ոլորտներից:

1. **Ուղղագրություն:** Տրվում են 4 բառակապակցություններ, որոնցից յուրաքանչյուրի թավ գրված բառում տառ կամ տառակապակցություն է բաց թողնված: Դրա տեղում դատարկ վանդակ է: Աշակերտը պիտի արտագրի այդ բառերը տրված տողերի վրա՝ լրացնելով բաց թողնված տառը կամ տառակապակցությունը:

**2. Բառագիտություն.**

**ա.** իմաստաբանություն. բառիմաստ, հոմանիշներ, հականիշներ, բառի՝ նախադասության կամ բառակապակցության մեջ ուղղակի կամ փոխաբերական իմաստով գործածված լինելը, բառակապակցության՝ դարձվածք կամ ոչ դարձվածք լինելը,

**բ.** բառակազմություն. պարզ, բարդ (հոդակապով, անհոդակապ) ածանցավոր (նախածանցավոր, վերջածանցավոր) բառեր:

Անհրաժեշտ է տրված 4 տարբերակներից ընտրել ճիշտը կամ սխալը՝ ըստ պահանջի:

**3. Չևարանություն.**

**ա.** խոսքի մասեր (տրվում են 4 բառեր, որոնց դիմաց ճիշտ կամ սխալ գրված է դրա խոսքիմասային պատկանելությունը կամ քերականական որևէ կարգը. աշակերտը պետք է ընտրի ճիշտը կամ սխալը՝ ըստ պահանջի)՝

- գոյական. հատուկ և հասարակ, եզակի և հոգնակի թիվ,
- ածական,
- թվական,
- շաղկապ,

<sup>1</sup> Որոշ դեպքերում 2-րդ մասի առաջադրանքները, ըստ նպատակահարմարության, կարող են առնչվել տեքստին:

**բ.** բառերի ձևափոխություն և տեղադրում տրված նախադասության բաց թողնված տեղերում: Տրվում է 1 նախադասություն, որում 2 բառ բաց է թողնված: Բաց թողնված բառերը տրված են փակագծերում ուղիղ ձևերով և ըստ տեղադրման հերթականության: Անհրաժեշտ է տրված բառերը դնել համապատասխան հոլովով, թվով և առումով և տեղադրել նախադասության մեջ: Յուրաքանչյուր ճիշտ ձևավորված բառի համար տրվում է մեկական միավոր:

**4. Շարահյուսություն:**

**ա.** նախադասության անդամներ՝ ենթակա, ստորոգյալ, լրացում, և կոչական (տրվում է նախադասություն, որում անհրաժեշտ է գտնել և տրված տողի վրա դուրս գրել նախադասության համապատասխան անդամը, տրված հարցին պատասխանող անդամը կամ կոչականը՝ ըստ պահանջի):

**բ.** կետադրություն (աշակերտը պետք է արտագրի տեքստի ընդգծված նախադասությունը և դնի բաց թողնված կետադրական նշանը՝ բարդ նախադասության բաղադրիչների կամ բազմակի անդամների համար, կամ նշանները՝ կոչականի համար):

2-րդ մասի առավելագույն միավորը 11 է:

Թեստի առավելագույն միավորն է 20-ը:

Թեստի կատարմանը հատկացվում է 90 րոպե:

ԳՆԱՀԱՏՄԱՆ ՍԱՆԴՂԱԿԸ			
Միավորը	Գնահատականը	Միավորը	Գնահատականը
1	1	11-13	6
2-3	2	14-15	7
4-5	3	16-17	8
6-7	4	18-19	9
8-10	5	20	10

ԹԵՍՏ  
(մմուշ)

**1-ին մաս**

***Կարդա՛ տեքստը և պատասխանի՛ր տրված հարցերին***

Դավիթի կյանքը գրեթե հրաշալի էր. նա իրենց բախում շատ ընկերներ ուներ, որոնց հետ ամեն օր՝ դասերից հետո, գնում էր գնդակ խաղալու: Միայն թե Դավիթը մի մեծ խնդիր ուներ. դա նրա փոքր քույրն էր՝ Լիլին: Լիլին ոչ մի կերպ չէր կարողանում հասկանալ, որ Դավիթին ու նրա ընկերներին բոլորովին դուր չի գալիս, որ ինքը միշտ նրանց հետ է լինում: Հենց տղաները դուրս էին գալիս բակ, Լիլին իր փոքրիկ ոտիկներով (***վազել***) նրանց մոտ և ուրախ-ուրախ ցատկոտելով՝ հայտնում.

- Ես եկա՛ ...

Բոլորը հոգոց էին հանում: Իրականում աղջիկը առանձնապես նեղություն չէր տալիս նրանց. շատախոս չէր, չէր նվնվում, չէր խառնվում նրանց խաղերին: Ծիշտն ասած, շատ բան չէր էլ կարող անել: Այնքան փոքրիկ էր, որ ո՛չ կարող էր գնդակ խաղալ, ո՛չ ծառերը մագլցել, միայն իր սև աչիկներով լուրջ նայում էր տղաներին, և ուր նրանք գնում էին, ինքն էլ նրանց հետևից գնում էր:

Դավիթը փորձում էր մորը համոզել, որ Լիլիին չթողնի իրենց հետևից գալ:

- Ինչո՞ւ պիտի իմ քույրը միշտ մեզ հետ լինի,- հարցնում էր նա,- ինչո՞ւ Արմենի քույրը չի գալիս,

Հակոբի քույրը չի գալիս:

Մայրը ծիծաղում էր.

- Արմենի քույրը ընդամենը վեց ամսական է, Հակոբը ընդհանրապես քույր չունի... Քո բախտն այդ հարցում չի բերել:

Սի օր Դավիթը ուզում էր տղաների հետ գնդակ խաղալ: Սկզբում նրանք մի ծանր գնդակ ունեին: Բայց մի անգամ այդ գնդակը Սարգիս քեռու պատուհանը կտորեց: Ի՞նչ պատմության մեջ ընկան: Գնդակն էլ այլևս հետ **(չստանալ)**: Հիմա արդեն թեթև գնդակով էին խաղում: Այդ օրը տղաները դեռ նոր էին դուրս եկել, երբ Լիլին սովորականի պես վազեց նրանց մոտ ու ասաց.

- Ես եկա՛...:

Տղաները, ինչպես միշտ, ձևացրին, թե նրան չեն նկատում: Նրանք սկսեցին խաղալ: Տղաներից մեկը այնպես ուժգին հարվածեց գնդակին, որ այն այս անգամ էլ **(ընկնել)** Սարգիս քեռու բակը: Նրանք վազելով մոտեցան ցանկապատին և տեսան գնդակը խոտերի մեջ՝ այնքան հեռու, որ ձեռք չէր հասնի: Հակոբը փորձեց անցնել ցանկապատի ճաղերի արանքով, բայց չկարողացավ:

- Ես չեմ կարող անցնել,- հուսահատ ասաց նա,- ցանկապատը շատ խիտ է: Եվ մեզանից ոչ մեկը չի կարող:

Իրավիճակն անելանելի էր: Բոլորից շատ Դավիթն էր տխրել:

- Այս ամենը Լիլիի պատճառով եղավ,- ասաց նա,- Տիգրանը այդքան ուժեղ խփեց գնդակին, որովհետև Լիլիի վրա էր բարկացել:

- Սի նայե՛ք Լիլիին, տեսե՛ք, թե նա ինչ փոքրիկ է,- ասաց Արմենը, - Լիլի՛, այստե՛ղ արի:

Լիլին վազելով եկավ՝ ասելով.

- Ես եկա՛...:

Հեշտությամբ մտնելով ճաղերի արանքից՝ Լիլին դուրս բերեց գնդակը ու հանձնեց հիացած տղաներին: Դավիթը հպարտությամբ նայում էր նրան, հետո ասաց.

- Ես քեզ գնդակ խաղալ **(սովորեցնել)**:

1 Նշիր երկու բան, որոնցով նկարագրվում է Լիլին:

*Պատասխան՝ \_\_\_\_\_, \_\_\_\_\_*

2 Ո՞րն էր Դավիթի հիմնական խնդիրը:

- 1) Հարևանը գնդակը հետ չէր տալիս:
- 2) Քույրն ամեն տեղ ուզում էր նրա հետ գնալ:
- 3) Ընկերը կորցրել էր Դավիթի միակ գնդակը:
- 4) Մայրը բարկանում էր, երբ ինքը քրոջ հետ կոպիտ էր վարվում:

3 Ուշադիր կարդա տեքստի երկխոսությունները և պատասխանի՛ր տրված հարցերին:

**ա.** Ի՞նչ է պատասխանում մայրը տղայի հարցին:

- 1) Նրա ընկերներից ոչ մեկը քույր չունի:
- 2) Ընկերների մայրերը աղջիկներին թույլ չեն տալիս բակ դուրս գալ:
- 3) Նրանցից մեկը քույր չունի, իսկ մյուսինը դեռ շատ փոքրիկ է:
- 4) Լիլին իրենց բոլորովին չի խանգարում, չի նվճվում և խաղերին չի խառնվում:

**բ.** Ըստ Դավիթի՝ ինչո՞վ էր մեղավոր Լիլին, որ գնդակը հարևանի բակն ընկավ:

*Պատասխան՝ \_\_\_\_\_*

\_\_\_\_\_

4 Ինչո՞ւ տղաները չէին կարող հարևանին խնդրել, որ գնդակը վերադարձնի:

*Պատասխան՝* \_\_\_\_\_  
\_\_\_\_\_

5 ա. Ինչո՞վ օգնեց փոքրիկ աղջիկը տղաներին:

*Պատասխան՝* \_\_\_\_\_  
\_\_\_\_\_

բ. Ինչի՞ց ենք մենք իմանում, որ եղբոր վերաբերմունքը նրա հանդեպ փոխվեց:

*Պատասխան՝* \_\_\_\_\_  
\_\_\_\_\_

6 Փակագծերում դրված բայերը տարբերակներում ներկայացված են որոշակի դեմքով, թվով և ժամանակով: Ըստ տեքստի՝ ո՞ր տարբերակի բայի ձևն է սխալ:

- 1) *վազել* – վազում էր
- 2) *չստանալ* – չենք ստացել
- 3) *ընկնել* – ընկավ
- 4) *սովորեցնել* – կսովորեցնեն

7 Տեքստից դո՛ւրս գրիր 1 հարցական նախադասություն:

*Պատասխան՝* \_\_\_\_\_  
\_\_\_\_\_

## 2-րդ մաս

### Կատարի՞ր տրված առաջադրանքները:

- 8) Տրված բառակապակցությունների ընդգծված բառերում բաց թողնված տառի կամ տառակապակցության տեղում դատարկ վանդակ է: Արտագրի՞ր ընդգծված բառերը՝ դատարկ վանդակի փոխարեն լրացնելով բաց թողած տառը կամ տառակապակցությունը:

տաք հա ուստ, հմուտ ըստրդ,  
լայն մի անցք, երկարավիզ ընձու ո

Պատասխան՝ \_\_\_\_\_, \_\_\_\_\_,  
\_\_\_\_\_, \_\_\_\_\_

- 9) Ո՞րն է տրված նախադասության ենթական:

*Վերադարձին մի անտառի մեջ թագավորը հանդիպեց մի ծերունու:*

Պատասխան՝ \_\_\_\_\_

- 10) Տրված նախադասության մեջ բաց է թողնված մեկ կետադրական նշան: Արտագրի՞ր այդ նախադասությունը և դի՞ր բաց թողնված կետադրական նշանը:

*Այդ երկրում բարձր ծառերով մի անտառ կար որը հասնում էր մինչև կապուտակ ծովի ափը:*

Պատասխան՝ \_\_\_\_\_  
\_\_\_\_\_

- 11) Ո՞ր բառի իմաստն է՝ *փորելով գետնի տակից որևէ հին բան հանել*:

- 1) պեղել
- 2) զննել
- 3) նշմարել
- 4) կերտել

- 12) Տրված բառերից որի՞ ղիմաց է սխալ նշված նրա տեսակը՝ ըստ կազմության:

- 1) *աշխարհամաս* – հոդակապով բարդ բառ
- 2) *գարմանալի* – վերջածանցավոր բառ
- 3) *ջրհոր* – անհոդակապ բառ
- 4) *մատիտ* – ածանցավոր բառ

13

Տրված բառերից յուրաքանչյուրի դիմաց նշված է, թե այն ինչ խոսքի մաս է: Ո՞ր տարբերակում է սխալ նշված:

- 1) *դպրոց* – իր ցույց տվող գոյական
- 2) *այգի* – ածական
- 3) *քնն* – շաղկապ
- 4) *երեսուն* – թվական

14

Արտագրի՛ր նախադասությունը՝ փակագծերում տրված բառերը ձևափոխելով և տեղադրելով բաց թողած տեղերում:

*Նա տեսավ, որ ..... դուրս գալիս հայրը մի ..... հանդիպեց:*

*(խանութ, ծանոթ)*

*Պատասխան՝* \_\_\_\_\_  
\_\_\_\_\_